

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA NNE**

**KIKAO CHA KWANZA**

**29 JANUARI, 2019**



## **ORODHA YA SHUGHULI ZA LEO**

### **MKUTANO WA KUMI NA NNE**

**KIKAO CHA KWANZA – TAREHE 29 JANUARI, 2019**

**I. WIMBO WA TAIFA:**

**II. DUA KUSOMWA NA KIKAO KUWANZA SAA TATU ASUBUHI:**

**III. KIAPO CHA UAMINIFU:**

Mhe. Abdallah Ally Mtolea

**IV. TAARIFA YA SPIKA:**

**V. HATI ZA KUWASILISHA MEZANI:**

**WAZIRI MKUU:**

Taarifa ya Matoleo ya Gazeti la Serikali pamoja na nyongeza zake yaliyochapishwa tangu Mkutano wa Bunge uliopita kama ifuatavyo:-

1. Toleo Na. 44 la tarehe 02 Novemba, 2018;
2. Toleo Na. 45 la tarehe 09 Novemba, 2018;

3. Toleo Na. 46 la tarehe 16 Novemba, 2018;
4. Toleo Na. 47 la tarehe 23 Novemba, 2018;
5. Toleo Na. 48 la tarehe 30 Novemba, 2018;
6. Toleo Na. 49 la tarehe 07 Disemba, 2018;
7. Toleo Na. 50 la tarehe 14 Disemba, 2018;
8. Toleo Na. 51 la tarehe 21 Disemba, 2018;
9. Toleo Na. 52 la tarehe 28 Disemba, 2018;
10. Toleo Na. 01 la tarehe 04 Januari, 2019;
11. Toleo Na. 02 la tarehe 11 Januari, 2019;
12. Toleo Na. 03 la tarehe 18 Januari, 2019;

Maelezo ya Waziri Mkuu kuhusu Muswada wa Sheria ya Marekebisho ya Sheria ya Vyama vya Siasa wa Mwaka 2018 [*The Political Parties (Amendments) Bill, 2018*].

**MWENYEKITI WA KAMATI YA KATIBA NA SHERIA:**

Maoni ya Kamati ya Katiba na Sheria kuhusu Muswada wa Sheria ya Marekebisho ya Sheria ya Vyama vya Siasa wa Mwaka 2018 [*The Political Parties (Amendments) Bill, 2018*].

**MSEMAJI MKUU WA KAMBI RASMI YA UPINZANI JUU YA OFISI YA WAZIRI MKUU:**

Maoni ya Msemaji Mkuu wa Kambi Rasmi ya Upinzani juu ya Ofisi ya Waziri Mkuu kuhusu

Muswada wa Sheria ya Marekebisho ya Sheria ya Vyama vya Siasa wa Mwaka 2018 [*The Political Parties (Amendments) Bill, 2018*].

## **VI. MASWALI:**

### **OFISI YA WAZIRI MKUU:**

#### **1. MHESHIMIWA MUNIRA MUSTAPHA KHATIB (VITI MAALUM):**

Atamuuliza Mheshimiwa Waziri Mkuu:- Baadhi ya Kampuni binafsi zimekuwa zikiwafanyisha kazi Watumishi wao zaidi ya muda wa saa za kazi, kutowapa chakula na kuwalipa kima kidogo cha mshahara:-

Je, Serikali ina kauli gani kuhusu suala hilo linalowakandamiza Wafanyakazi hao ambao wengi wao ni Vijana.

### **OFISI YA RAIS (TAMISEMI):**

#### **2. MHESHIMIWA OMAR ABDALLAH KIGODA (HANDENI):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali kupitia Halmashauri itakamilisha majengo ya madarasa yaliyotokana na nguvu za Wananchi.

**3. MHESHIMIWA GIBSON BLASIUS OLE - MEISEYEKI (ARUMERU MAGHARIBI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mhe. Rais Mstaafu Dkt. Jakaya Kikwete aliahidi ujenzi wa Barabara yenye urefu wa Km 12 katika Jimbo la Arumeru Magharibi lakini ahadi hiyo haijatekelezwa hadi sasa:-

Je, ni lini sasa Serikali itatekeleza ahadi hiyo hasa ikitiliwa maanani kuwa katika Jimbo la Arumeru Magharibi hakuna barabara ya lami hata nusu kilomita.

**WIZARA YA UJENZI, UCHUKUZI NA MAWASILIANO:**

**4. MHESHIMIWA JAKU HASHIM AYOUB (B.L.W):**

Atamuuliza Mheshimiwa Waziri wa Ujenzi, Uchukuzi na Mawasiliano:- ATCL ni Shirika la Ndege la Serikali ya Jamhuri ya Muungano wa Tanzania na limekuwa likifanya vizuri chini ya Uongozi wa Mkurugenzi Mkuu – Eng. Matindu:-

- (a) Je, kwanini ATCL kila Jumatatu inapoondoka Dar es Salaam kwenda Dodoma isipitie Zanzibar ili Viongozi pamoja na Wananchi wanaotaka kwenda Dodoma wapate huduma hiyo;
- (b) Je, Serikali haioni kuwa sasa ni wakati muafaka wa safari za ATCL toka Dar es Salaam zipitie Zanzibar kwa Jumatatu zote kupunguza tatizo la usafiri kwa Wananchi wa Zanzibar wanaotaka kwenda Dodoma, kwa shughuli mbalimbali;
- (c) Je, ni lini safari hizo zitaanza ili Viongozi, Wananchi na Watalii kutoka Zanzibar waone kuwa Serikali yao inawajali na inadumisha Muungano wetu.

**WIZARA YA AFYA, MAENDELEO YA JAMII,  
JINSIA, WAZEE NA WATOTO:**

**5. MHESHIMIWA ANATROPIA LWEHIKILA  
THEONEST (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

- (a) Je, Serikali ina mpango gani wa kupanua Jengo la Mama na Mtoto katika Hospitali ya

Taifa Muhimbili ambalo hata akina Mama wajawazito wawili hawawezi kupishana kwenye *corridor*;

(b) Je, Serikali haioni kuwa kupanua eneo la jengo hilo kutaenda sambamba na kuhamasisha Wanaume kwenda kliniki na wenza wao na kupata ushauri pamoja;

(c) Katika eneo la kujifungulia la akina Mama ni rahisi kuona kitanda cha jirani yako; Je, Serikali haioni hali hii ni udhalilishaji pamoja na kuingilia uhuru wa mwingine kujihifadhi.

**WIZARA YA NISHATI:**

**6. MHESHIMIWA PROF. JUMANNE ABDALLAH MAGHEMBE (MWANGA):**

Atamuuliza Mheshimiwa Waziri wa Nishati:-  
Awamu ya III ya REA ilizinduliwa Wilayani Mwanga mnamo Julai 2017 lakini hadi sasa utekelezaji wake haujaanza:-

Je, ni lini utekelezaji wa mradi huo utaanza.

**7. MHESHIMIWA FREDY ATUPELE MWAKIBETE (BUSEKELO):**

Atamuuliza Mheshimiwa Waziri wa Nishati:-  
Halmashauri ya Busekelo ina maporomoko ya maji (*waterfalls*) maeneo mbalimbali na Joto Ardhi (*geo thermal*):-

Je, Serikali haioni umuhimu wa kutumia maporomoko hayo ya maji (*waterfalls*) na Joto Ardhi (*geo-thermal*) kuweza kuzalisha umeme ili kupunguza changamoto ya umeme nchini.

#### **WIZARA YA KILIMO:**

#### **8. MHESHIMIWA GIMBI DOTTO MASABA (VITI MAALUM):**

Atamuuliza Mheshimiwa Waziri wa Kilimo:-  
Serikali imekuwa ikiwapangia Wakulima wa Pamba bei ndogo wakati wa mavuno bila kuzingatia gharama kubwa walizotumia kipindi cha uzalishaji:-

Je, Serikali haioni sasa wakati umefika kuwaacha Wakulima wauze Pamba kwa bei kubwa wanayotaka wao.

#### **9. MHESHIMIWA BONIPHACE MWITA GETERE (BUNDA):**



Atamuuliza Mheshimiwa Waziri wa Kilimo:- Kwa kuwa msimu wa Pamba 2018/2019 ulikuwa na bei elekezi ndogo ya Tshs. 1,100/=; na kwa kuwa mara nyingi bei hizo elekezi zinapendekezwa kwa msukumo wa bei ya Pamba duniani:-

- (a) Je, Serikali katika msimu wa 2019/2020 ina mkakati gani wa kuinua bei ya Wakulima kutoka Tshs. 1,100/= hadi 2,500/=;
- (b) Kwa kuwa kuna Vyama vya Ushirika na Benki ya Wakulima; Je, Serikali ina mkakati gani wa kumaliza tatizo la usambazaji wa mbegu za Pamba katika Wilaya ya Bunda na hasa Jimbo la Bunda ambapo kila mwaka kunakuwa na uhaba wa mbegu na kutofika kwa wakati.

**10. MHESHIMIWA MAFTAHA ABDALLAH NACHUMA (MTWARA MJINI):**

Atamuuliza Mheshimiwa Waziri wa Kilimo:- Zao la Korosho pamoja na kuingiza mapato makubwa Serikalini bado lina changamoto nyingi sana katika uuzaji wake kwa upande wa Wakulima:-

Je, Serikali ipo tayari kuondoa changamoto hizo ili kuleta tija kwa Wakulima.

## VII. MISWADA YA SHERIA YA SERIKALI:

*(Kusomwa Mara ya Pili, Kamati ya Bunge Zima na  
Kusomwa Mara ya Tatu)*

Muswada wa Sheria ya marekebisho ya Sheria ya Vyama vya Siasa wa Mwaka 2018 [*The Political Parties (Amendments) Bill, 2018*].

**DODOMA  
29 JANUARI, 2019**

**S. KAGAIGAI  
KATIBU WA BUNGE**

